

gatur. Id quod videre est 1. Ex voce נגע, quæ in ejusmodi casu adhibetur Exod. XII: 22. & cum phrasi nostra permutatur. Illa enim apertè immediatam contrectationem involvit, unde etiam Interpretes Alexandrini per *καθίγαν* contingere vertunt. 2. Ex ipsis ritibus, quibus Judæi usi sunt, quando sanguine hæc ratione altaria imbuebant, tunc etenim ipso digito in sanguinem immerso cornua altaris attingebant, ut patet ex *Maimon: הלכות מעשה הקרבנות Cap. V. §. 7.* Conf. ea quæ infra *Cap. V.* disputabimus. Hinc itaque non sine ratione concluditur, in reliquis, ubi eadem phrasi adhibetur, ut quando sanguis auri aut pollicis manus ac pedis sacerdotum vel mundandi leprosi indi dicitur, idem non per infusionem aut adspersionem sed immediatum contactum fieri debuisse.

§. 9.

Cum autem omnes illæ sive adspersiones sive litus *Verbum* sanguinis aliorumve liquorum eo fine fierent, ut mundum *נמן* quid ex immundo redderetur, & pollutio omnis vel peccato vel externa attrectatione rei immundæ contracta tolleretur, hinc est, quod nonnunquam stylo Sacræ Scripturæ effectus ille, purificatio nempe seu expiatio metonymicè pro ipso ritu adspersionis ponatur. Ei usui inservit verbum נמן, quod licet in primâ conjugatione peccare denotet, in Pihel tamen & Hithpahel idem est, quod à peccato absolvere, seque à reatu purificare. Cujus rei, cum illustrationes illæ signa externa fuerint, non solum vocabulum hoc effectum earum exprimit, quando scilicet cum ipsis vocibus זרק, הזה &c. jungitur, ut fit Levit. XIV: 51. 52. Ezech. XLV: 18. & passim, verum præterea nonnunquam ipsi adspersionum ritus eodem designantur; primariò quidem, quando de sacrificio pro peccato sermo est. Unde 2. Cron. XXIX, 24. de hircis piacularibus dicitur ויחטאו את המזבחה *Et expiaverunt (sacerdotes adspargendo) sanguinem eorum ad altare* Conf. Levit. VI: 26. IX: 15. &c. Hinc *Raschius* ad Exod. XXIX: 34. מתנת רמים הנתונים באצבע קרוי *datio sanguinis dati digito dicitur EXPIATIO.* Nonnunquam tamen etiam de cæteris adspersionibus hoc verbum adhibetur, ut Num, XIII: 21. XXXI: 19, 20, 23. Ps, LI: 9. unde *R. Salom. ben*